

Gvangjsih Minzczuz Bau

ganhhou: CN45-0036 B.2013 Nd.4 Ng.10 liggaueq gveiqceih nienz ndwensam coit

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3068期

Duh'anh: Vwnzva Ndawbiengz Minzczuz Gig Hoengh

都安:民族民间文化异军突起

Gaenh bi daeuj, Duh'anh Yauzczuz Swciyen vwnzva ndawbiengz minzczuz gig hoengh, cug mbaek fazcanj hungcangq.

It dwg lajmbanj ginzcuingsing vwnzyi donzdij aen dem aen okdaeu. Dangqnaj, daengx yienh gungh miz minzczuz minzgenh yezyiz vwnzyi donzdij 86 aen, yenjyenz nem cizyenz 2322 vunz, ndawde segih yezyiz vwnzyidui 16 aen, yienh yezyiz vwnzyidui 6 aen, yenjyenz nem cizyenz 594 vunz; lajmbanj vwnzyidui 64 aen, yenjyenz nem cizyenz 1728 vunz.

Ngeih dwg minzczuz minzgenh vwnzva hozdung cwngyau yienhda. Doenghgi vwnzyi donzdui ndaw-

biengz minzczuz youz ginzcuong saujsu minzczuz gag gyoebbaenz, gyoengqde aeu doenghgi foux, siengsingh, siujbinj daengj vwnzyi hingzik gag bien gag yienj haenx senhconz vunzndei saehndei, bemx gij sibgvenq nyauq ndawbiengz, gienq vunz gaej saenq fangz, aeu gohyoz vwnzmingz, doidoengh sevei funghi bienq ndei.

Sam dwg minzczuz minzgenh vwnzva donzdij doxyau lai. Gij donzdij neix gingciengz cujiz gak yanghcin, segih, cunh mbanj doxcunz yienjok, caemhcaiq daengz Majsanh, Sanglinz, Vujmingz, Dava, Yizcouh daengj dieg henzgyawj bae doxyau yienjok.

Seiq dwg cizgiz swnjcienz

vwnzva minzczuz. Aen yienh neix Yaaou Yangh Davang Cunh boux duiyoh ganbu heuhguh Cinz Cwngdangz, goeng neix gaenq ndaej 79 bi, laemxsim vatgud nem cingileix vwnzva Yauzczuz dangdieg, cangcoz le buek conzdungj diyzuz nem vwnzyi cezmuiz gig miz minzczuz daegsaek haenx. Gaenh bi daeuj, doenghgi vwnzyi cezmuiz youz Cinz Cwngdangz bien haenx miz 5 aen ndaej guekgya gaep ciengjhangh, 9 aen ndaej swcigih gaep ciengjhangh, 17 aen ndaej si gaep ciengjhangh. Neix ndaej doenghboux minzsz conghyah mizmingz haenx heuhguh "bouxdaez dazyinx swnjcienz vwnzva minzczuz".

(Luz Sinhveiz Dangz Bingfungh)

SIUSIK DINJ

简讯

● Geij ngoenz gonq, Dava Yauzczuz Swciyen ciuhai Yauzczuz conzdungj vwnzva swnjcienz nem fazcanj codanzvei, ndaw yienh yinzda, cwnghaz, senhconzbu, minzczuzgiz daengj bumwnz lingj-dauj caeuq ganbu cizgungh 30 lai vunz camgya. Doenghboux camgya codanzvei haenx genyi yaek gyadaih ligdoh aeu cwnghaz bangfuz, roengz cienzngaenz nem gisuz, gyagiengz beizyin.

(Vangz Vwnzboh)

● Daj 3 nyied daeuj, Nazboh Yen baij 50 boux nungzyez gohgi yinzyenz roengz daengz ndaw yienh 9 aen yangh(cin) 130 aen cunh 500 aen nungzyez gohgi sifanhu guh nungzyez gohgi haeuj mbanj haeuj ranz fuzv, doengzseiz gensez le gosangh nonsei, lwgmak, ywdoj daengj 5 aen gohgi sawqniemh sifan ghdi. Neix mizyauq dwg daezsang daengx yienh nungzminz gohgi suijbingz, hawj nungzyez demsou daezhawj baujcanj.

(Hij Dwzhoz)

● 4 nyied 2 hauh, Nanzdanh Yen youq Lijhuiz Yauzczuz Yangh gyongdoengz vwnzva gvangjcanz gawjbanh gizdieg yangh cwnghaz caeuq Vaizlij Cunh yienghsienq gensez gajguh gunghcwnz hai-doengh yizsi. Aen gunghcwnz neix yaek roengz 3000 lai fanh maenz, guhbaenz liux couh baenz ndaw yienh gizdieg guh minzczuz swnghdai lijyouz mizmingz he.

(Vangz Gingjhoz)

● Geij ngoenz gonq, Sanglinz Yen youq Cinhih Yauzczuz Yangh Dunghloz Cunh gawj-hengz gomiuz va'gimngaenz fat-cuengq yizsi, 30 lai fanh gomiuz va'gimngaenz cienzboh fat hawj nungzminz lo. Baez neix fat gij miuz va'gimngaenz daengz aen segih he 10 aen Yauzczuz Cunh 182 aen mbanj.

(Luz Haijyin)

● 4 nyied 7 hauh, Gvangjsih Donzgunghvej capyouq Baekging haenx dawz gij yingjdezgih, yesingh densi daengj sonhag sezbei dij 20000 maenz haenx soengq daengz Libuj Yen Dunghcangh Cin Swhgung Siujyoz, hawj aen haq neix 100 lai boux hagseng saujsu minzczuz ndaej yawj densi cezmuiz lo, gajnde le sonhag diuzgen.

(Cauh Cinyenj)

Bingzgoj: Ginzeung Bouxcuengh Angq Gvaq"Ngeih·Cibgouj"Ciet Hawfwen



平果: 壮族群众欢庆 “二·一九”歌圩文化节

3 nyied 30 hauh dwg liggaueq ngeih nyied cib-gouj, Mbanjcuengh Bingzgoj Yen Gojva Cin Bohli Cunh gawjhengz ciet vwnzva hawfwen, daengx cunh ginzeung Bouxcuengh ciengqgo diuqfoux, sim maez naj riu, gaj mou gaj gaeq, gij conzdungj cezmuiz dajyinx le geij fanh boux gak cuz ginzeung daeuj ngonzyawj. Ndaw doz dwg hauxseng ndaw mbanj cingq byauj-yenj gofoux.

(Loz Cigwnj ingj)

Lingzyinz:"221"Gunghewngz Hawj Nungzminz Saujsu Minzczuz Demsou Engq Vaig

凌云:"221"工程成少数民族农民增收“助推器”

Gaenh bi daeuj, Lingzyinz Yen cizgiz diuzeingj canjyez gezgou, guh hung guh ak "221" (song caz song mbaw it ndoeng: Couhdwg mbawcaz, cazyouz, mbawsangh, mbawien nem ginghci laj faex) daegsaek nungzyez canjyez gunghcwnz, hawj gyoengq nungzminz saujsu minzczuz gungzhoj haenx gyavaiq baenzfouq.

Mbawcaz swnghcanj. Bi' gvaq, daengx yienh suencaz menciz 11.2 fanh moux, cazsauj canjlieng 4159 dun, canjciz 2.31 ik maenz, doengz-beij demhwnj 16.8% nem 49.1%, gij cizlieng mbawcaz nem hawciengz gingcwngh naengzlig daezsang gig lai.

Cazyouz swnghcanj. Daengx yienh cazyouz dajndaem menciz 23.8 fanh moux, cazyouz canjlieng 1200 dun, canjciz 4800 fanh maenz, doengzbeij faenbied demhwnj 33.33% nem 37.5%.

Gosangh nonsei canjyez. Bi-gvaq, aen yienh neix dajndaem suensangh moq 8525 moux, suensangh menciz miz 5.06 fanh moux, ciengx nonsei 3.28 fanh mbaw, sei moq canjlieng 2.6 fanh rap, canjciz 4722 fanh maenz, ranz ciengx nonsei bingzyaenz moix hoh souhaeuj 1.2 fanh maenz.

Iengangq swnghcanj. Bi' gvaq,

aen yienh neix ndaem ien 5903 moux, iensauj canjlieng 1.16 fanh rap, canjciz 1051.55 fanh maenz, gyau sui mbawien 231.34 fanh maenz, gyau cwnghcizsui 136.7 fanh maenz, boux ndaem ien moix hoh bingzyaenz souhaeuj 2.35 fanh maenz.

Laj faex ginghci. Bi' gvaq, aen yienh neix ginghci laj faex ciengx gaeq okroengq 450.6 fanh duz, gyoepsuenq gizdieg comz ciengx gaeq 10 giz, saedyienh canjciz 1.392 ik maenz, saedyienh canjciz 1.392 ik maenz, neix hawj nungzminz bingzyaenz moix boux ndaej demgya souhaeuj 307.6 maenz.

(Vangz Yenzungz)